

ՏԵՂԵԿՈՒԹՅՈՒՆՆԵՐ

ԱՀ պետական եկամուտների կոմիտեի 2021 թվականի նոյեմբեր ամսվա գործունեության վերաբերյալ

Ընթացիկ աշխատանքներ

Նախնական տվյալներով 2021 թվականի հունվար-նոյեմբեր ամիսների ընթացքում ԱՀ պետական բյուջե մուտքագրված հարկային եկամուտները և տուրքերը կազմել են 26,680.8 մլն դրամ՝ պլանավորված 19,000 մլն դրամ ցուցանիշը գերազանցելով 40.4 տոկոսով կամ 7,680.8 մլն դրամով: Հավաքագրված եկամուտները նախորդ տարվա նույն ժամանակահատվածի համեմատ թերակատարվել են 38.4 տոկոսով կամ պակաս է հավաքագրվել 16,663.4 մլն դրամ:

Նոյեմբեր ամսում ԱՀ պետական բյուջե մուտքագրված հարկային եկամուտները և տուրքերը կազմել են 2,544.5 մլն դրամ՝ պլանավորված 1,900 մլն դրամ ցուցանիշը գերազանցելով 33.9 տոկոսով կամ 644.5 մլն դրամով:

Հաշվետու ամսվա ընթացքում հարկային մարմնում հաշվառվել է թվով 75, լուծարվել՝ 6 տնտեսավարող սուբյեկտ:

Կառուցվածքային ստորաբաժանումների կողմից կատարվել են թվով 3 ստուգումներ, որոնց արդյունքում լրացուցիչ հաշվարկվել են 2 մլն դրամի չափով հարկային և այլ պարտադիր վճարների գծով պարտավորություններ:

Նույն ժամանակահատվածում կատարվել են թվով 76 ուսումնասիրություններ, այդ թվում՝ 34-ը՝ հսկիչ-դրամարկղային մեքենաների ներդրման անհրաժեշտության, 19-ը՝ հարկային հաշվանցումների և վերադարձի հիմնավորվածության, 11-ը՝ ակցիզային դրոշմանիշների շարժի ու դրոշմավորման կանոնների պահպանման, 8-ը՝ ԱՀ կառավարության 2021 թվականի ապրիլի 19-ի N 336-Ա որոշմամբ հաստատված միջոցառման 8-րդ կետով նախատեսված վնասի չափի հիմնավորվածության ճշտության և 4 այլ ուսումնասիրություններ:

Հարկ վճարողներին սպասարկող ստորաբաժանումների կողմից ընդունվել և մշակվել է 8,767 հաշվարկ-հաշվետվություն, որից էլեկտրոնային եղանակով՝ 8,669:

Էլեկտրոնային եղանակով հաշվետվությունների ներկայացման նպատակով հարկ վճարողների հետ կնքվել են թվով 34 պայմանագրեր:

Հաշվետու ամսում «Վարչարարության հիմունքների և վարչական վարույթի մասին» օրենքի դրույթներին համապատասխան՝ կայացվել և ուժի մեջ են մտել հարկային մարմնի կողմից վերահսկվող եկամուտների գծով պարտավորությունների գանձման թվով 10 որոշումներ՝ 39.4 մլն դրամ գումարի չափով:

Նույն օրենքի համաձայն՝ ԱՀ դատական ակտերի հարկադիր կատարումն ապահովող ծառայություն է ներկայացվել անբողոքարկելի դարձած թվով 1 ստուգման (վարչական) ակտ՝ 11.6 մլն դրամ գումարի չափով:

ԱՀ ընդհանուր իրավասության առաջին աստիճանի դատարան նախկինում պետական եկամուտների կոմիտեի դեմ ներկայացված հայցադիմումներից մեկի մասով հաշվետու ամսում կայացվել է վճիռ՝ 50.0 հազ. դրամ գումարի չափով:

Հարկ վճարողների ձեռնարկատիրական վարկերի (փոխառությունների) և տոկոսների փոխհատուցման նպատակով վճարված հարկերի գումարի վերադարձի ծրագրի շրջանակում հաշվետու ամսում կատարվել է 187 մլն դրամ գումարի չափով վերադարձ:

Եռամսյա ժամկետով հարկային արտոնություններից օգտվելու նպատակով գործունեությունը նոր սկսող 3 հարկ վճարողների տրամադրվել են հավաստագրեր:

2021 թվականի հոկտեմբեր ամսվա ընթացքում ԱՀ տարածք են ներմուծվել 11,891.2 մլն դրամ գումարի չափով ապրանքանյութական արժեքներ, արտահանվել՝ 4,348.8 մլն դրամ գումարի չափով ապրանքանյութական արժեքներ:

ԱՀ կառավարության 2021 թվականի ապրիլի 19-ի N 336-Ա որոշման համաձայն՝ հաշվետու ամսում շարունակվել է 2020 թվականի սեպտեմբերի 27-ին Արցախի Հանրապետության դեմ սանձազերծված պատերազմական գործողությունների հետևանքով կրած նյութական վնասի չափի վերաբերյալ տեղեկանք տրամադրելու նպատակով հարկ վճարողներից դիմումների ընդունման գործընթացը, որի շրջանակում տրամադրվել են 11 տեղեկանքներ, մերժվել՝ 9 դիմում:

ԱՀ կառավարության քննարկմանն են ներկայացվել ««Հարկային ծառայության մասին» օրենքում փոփոխություններ և լրացումներ կատարելու մասին» և ««Պետական պաշտոններ զբաղեցնող անձանց վարձատրության մասին» օրենքում լրացումներ և փոփոխություն կատարելու մասին» օրենքների նախագծերը:

ԱՀ կառավարության կողմից հաստատվել է «Արցախի Հանրապետության կառավարության 2021 թվականի ապրիլի 20-ի N 342-Ն որոշման մեջ փոփոխություն կատարելու մասին» որոշումը:

ԱՀ ՊԵԿ նախագահի հրամաններով փոփոխություններ են կատարվել հարկ վճարողների հավաստագրման կարգում, արգելանք դնելիս գույքի բացակայության, անբավարարության կամ հարկ վճարողի գտնվելու վայրն անհայտ լինելու մասին արձանագրության, դրամարկղում կանխիկ դրամական միջոցների գույքագրման, դրամարկղում կանխիկ դրամական միջոցների շարժի գույքագրման արձանագրությունների, հարկային մարմնի կողմից վերահսկվող եկամուտների գծով պարտավորությունների կատարումն ապահովելու նպատակով հարկային մարմնի կողմից ընդունվող երաշխիքի ձևերում:

Հաշվետու ամսում պետական եկամուտների կոմիտեի և ՖԻԴԵՍ հիփոթեքային ընկերության միջև կնքվել է համագործակցության հուշագիր, որի շրջանակներում վարկ ստանալու նպատակով ընկերությանը դիմած ֆիզիկական անձանց աշխատանքային հարաբերությունների և հաշվեգրված եկամուտների վերաբերյալ տեղեկատվությունը փոխանցվում է էլեկտրոնային տարբերակով՝ զերծ պահելով ֆիզիկական անձանց կոմիտե լրացուցիչ այցելությունից և կրճատելով ժամանակային ռեսուրսները:

Համագործակցության հուշագիր է ստորագրվել նաև պետական եկամուտների կոմիտեի և Հայաստանի պետական տնտեսագիտական համալսարանի միջև, որով նախատեսվել է երկուստեք հետաքրքրություն ներկայացնող ոլորտներում անցկացնել համատեղ ուսումնասիրություններ, կազմակերպել գիտաժողովներ, թեմատիկ սեմինարներ, ուսանողներին ներգրավել ՊԵԿ-ի աշխատանքներին, ինչն էլ կնպաստի նրանց գործնական հմտությունների, կարողությունների ձեռքբերմանը և զարգացմանը:

Ուսումնասիրվել են պետական կառավարման այլ մարմինների կողմից ներկայացված իրավական ակտերի նախագծերը և տրվել առաջարկություններ:

Հաշվետու ամսվա ընթացքում Հայաստանի Հանրապետության և Արցախի Հանրապետության հարկային մարմինների համագործակցության ծրագրի շրջանակներում իրականացվել են ԱՀ հարկ վճարողների կողմից ՀՀ մաքսային սահմանով կատարված ներմուծումների, արտահանումների, ՀՀ և ԱՀ սուբյեկտների

միջև իրականացված գործարքների, անուղղակի հարկերի հաշվանցումների, ինչպես նաև հարկման հիմք հանդիսացող այլ փաստաթղթերի, տեղեկությունների փոխանակման աշխատանքներ:

Հասարակայնության հետ կապ

Նոր տեսակի կորոնավիրուսի (COVID-19) տարածմամբ պայմանավորված ամենօրյա կտրվածքով իրականացվել են կանխարգելիչ միջոցառումներ՝ ուղղված կոմիտեի գործառույթների իրականացման ընթացքում աշխատակիցների և հարկ վճարողների անվտանգության ապահովմանը:

Հարկային մարմնի պաշտոնական ինտերնետային կայքի միջոցով շարունակվել են հանրային իրազեկման աշխատանքները:

Նոյեմբեր ամսվա ընթացքում հարկային մարմին է մուտքագրվել 520, ելքագրվել՝ 254 նամակ-գրություն, որոնք ընթացքավորվել են ըստ գործող կարգի, այդ թվում՝ հարկային օրենսդրության դրույթների պարզաբանման նպատակով ներկայացվել է 1 գրություն: